



REPÚBLICA DEMOCRÁTICA DE TIMOR-LESTE
MINISTÉRIO DO PETRÓLEO E MINERAIS
AUTORIDADE NACIONAL DO PETRÓLEO E MINERAIS
Ministério das Finanças, Pisos 6 e 7, Aitarak Laran, Díli, Timor-Leste
PO Box 113



Data: 27 Agosto 2021

ANPM/HSE/S/21/194

Hato'o ba: Sra. Elizaria Febré (Gomes)
Lao Hamutuk

Asuntu: Konsulta Pública kona-ba Deklarasaun Impaktu Ambiental (DIA) no Planu Jestaun Ambiental (PJA) ba Projetu Perfurasaun Mina no Gas iha Área Kontratu PSC TL-OT-17-09 Município Ainaro.

Ho respeito,

Ho karta ida ne'e ekipa Autoridade Nacional do Petróleo e Minerais (ANPM) hakarak informa ba ita boot sira katak Timor Resources, núdar operador ba perfurasaun mina no gás iha munisípiu Ainaro submete ona dokumentus Deklarasaun Impaktu Ambiental no Planu Jestaun Ambiental mai ANPM tuir Dekretu-Lei no. 05/2011 – Licenciamentu Ambiental. Hafoin simu dokumentus refere, Ministro do Petróleo e Minerais (MPM) hanesan Autoridade Superior Ambiental ba sektór petróleo no minerais konstitui ona Komisaun Avaliasaun (KA) ne'ebé kompostu husi Ministério relevantes sira seluk atu avalia no fo rekomendasaun teknika ba Autoridade Superior Ambiental hodi aprova ou la aprova DIA no PJA, tuir artigo 10 DL 05/2011.

Baseia ba artigo 11 husi Dekretu-Lei no 5/2011, Komisasun Avaliasaun realiza ona konsulta publica iha fatin afetadu hanesan Suku Foho-Ai-Lico Postu Hatu-Udo no Suku Betano Postu Same iha loron 3 Agosto 2021 no 5 Agosto 2021 hodi habelar informasaun ba autoridades lokais no comunidades afetadas, kona-ba impaktu ambiental no social relasiona ho actividades perfurasaun no nia medidas de mitigasaun. Konsulta pública ida ne'e mos ho objetivu atu rona diretamente preokupasaun husi comunidades afetadas no autoridades lokais kona-ba implementasaun projetu perfurasaun mina no gas iha Munisípiu Ainaro.

Tuir notifikasaun pública ne'ebe mak fo sai ona iha media iha loron 26 to'o 28 Júlhu 2021 (bele hare'e iha aneksu) Komisaun Avaliasaun sei realiza mos enkontru público iha Díli hodi rona opiniaun no komentarius husi partes interessadas (NGOs, Akadémikus no Instituisaun relevantes husi Governo) ba implementasaun projetu perfurasaun, liliu iha aspeitu impaktu ambiental no socio-ekonomiku.

Hare'e ba número konfirmadu Covid-19 nian ne'ebe sae makas iha ita nia rai, liliu iha Dili no atu evita propagasaun virus Covid-19, Komisaun Avaliasaun deside atu halo konsulta publika ba partes interessadas sira hanesan meiu tuir mai:

1. Ekipa sekretariadu KA distribui direktamente kopias dokumentus Deklarasaun Impaktu Ambiental no Planu Jestaun Ambiental (via soft copy husi USB) ba partes interessadas sira hotu atu bele konsulta konteudu DIA no PJA;
2. Karik iha komentarius kona-ba konteudu dokumentus DIA no PJA, bele haruka direktamente liu husi email ba ekipa sekretariadu KA: hse.staff@anpm.tl . Wainhira ekipa sekretariadu simu komentarius, sei konfirma fali liu husi email.
3. Karik iha komentarius ne'ebe mak presisa klarifikasaun detallu liu tan, bele kontaktu mai ekipa sekretariadu KA no marka tempu atu bele mai konsulta direktamente iha eskritoriu ANPM iha edifisiu Ministério das Finanças, liu husi no. kontaktu: 77733535;
4. Prazo atu submetê komentarius mai ekipa sekretariadu KA mak loron **8 Setembru 2021**.

Ba ita boot sira nia informasaun, dokumentus DIA no PJA disponível ona iha ANPM nia website hanesan link ida ne'e: <http://www.anpm.tl/category/public-consultation>

Karik hakarak hatene liu tan informasaun bele kontaktu Sra. Vera de Oliveira ho número kontaktu +670 77327634 no mos Sr. Ricardo Florindo ho número kontaktu +670 77733535.


Mak ne'e deit husi ami nia karta ba konsulta pública, ba ita bo'ot nia kompreesnaun no kolaborasaun ami hato'o obrigado wa'in.

Ho Respeitu,



José Manuel Sarmiento

Presidente Komisaun Avaliasaun (KA)



Avizu Projetu Proposta Categoria A
Dekretu Lei No. 5/2011, Lei Lisensiamentu Ambiental
Konsulta Públika ba Deklarasaun Impaktu Ambiental (DIA) no Planu Jestaun Ambiental (PJA)
Projetu Perfurasaun ba Explorasaun Petróleo iha Área Kontratu PSC TL-OT-17-09

1. Proponente: Timor Resources Pty Ltd
2. Fatin Projetu: Suku Foho-Ai-Lico, Hatu-Udo, Município Ainaro
3. Tipu no Tamañu Projetu: Perfurasaun ba explorasaun Petróleo iha posu Rusa-1 iha suco Foho Ai-Lico no Postu Hatu-Udo . Tamañu hektar 1 (1 h.a) ne'ebé sei inklui mos asesu estrada, fatin alojamentu no armazem.
4. Proponente hanesan mensiona iha leten hakarak atu implementa projetu perfurasaun petróleo iha fatin hanesan mensiona iha leten.
5. Tuir Dekretu-Lei no. 5/2011 projetu refere klasifikadu nudar projetu ida ho Categoria A, no tenke pasa liu husi prosesu Avaliasaun Impaktu Ambiental hanesan espesifika ona iha Lei refere.
6. Deklarasaun Impaktu Ambiental (DIA) no Planu Jestaun Ambiental (PJA) ba projetu Perfurasaun Petróleo iha suku Foho-Ai-Lico, Posto Hatu-Udo, Município Ainaro ne'e agora disponível ba Konsulta Públika.
7. DIA no PJA sei disponível ba públiku hodi konsulta/haré, liu husi sitio ofisial elektroniku ANPM nian hanesan tuir mai:
 - **Kópia eletrónica DIA no PJA** bele asesu iha: <http://www.anpm.tl/category/public-consultation/>
8. kopia dokumentus DIA no PJA sei disponível mos ba públiku hodi konsulta iha fatin tuir mai:
 - **Autoridade Nacional do Petroleo e Minerais (ANPM)**
Edificio do Ministério das Finanças, Pisos 6, Apartado 113,
Aitarak Laran Díli, Timor-Leste
 - **Edifisiu Munisipiu Ainaro** (so bele asesu hahu husi loron 29/07/2021)
Aldeia Ainaro, Suku Ainaro Vila, Ainaro, Município Ainaro, Timor-Leste
 - **Edifisiu Postu Administrativu Same** (so bele asesu hahu husi loron 2/08/2021)
Aldeia Mane Iku, Suku Letefoho, Same, Município Manufahi, Timor-Leste

9. DIA no PJA mos sei disponível ba públiku atu konsulta liu husi oras servisu normal (17:00 to'ó 18:00) iha sede ANPM Dili. Prosesu ida ne'e so halao deit kuandu ANPM simu telefone (bele kontaktu mai no. 77733535) hodi marka tempu hodi bele halo konsultasaun.
10. Kualker membru husi públiku iha direitu atu hato'ó komentáriu konaba DIA no PJA.
11. Komentáriu ruma konaba DIA no PJA tenke submete ba Autoridade Ambiental (ANPM) liu husi meu eskrita (bele entrega diretamente iha edifisiu ANPM, no dirije ba Komisaun Avaliasaun, ou karik liu husi meu elektróniku (bele haruka ba email sira tuir mai: hse.staff@anpm.tl).
12. Komentáriu hotu-hotu tenki hato'ó ba ANPM no Komisaun Avaliasaun husi loron 22/07/2021 to'ó loron 25/08/2021.
13. Komisaun Avaliasaun (KA) ba Projetu Perfurasaun Petroleo iha Munisipiu Covalima sei halao Enkontru Publiku no aberta ba qualquer publico nebe'e inklui mos autoridades lokais, comunidades afetadas no partes interessadas mak iha interese mai partisipa iha fatin hanesan:

Fatin	Data	Oras
Sede Suku Foho-Ai-Lico	3/08/2021	09:00 to'ó remata
Sede Suku Betano	5/08/2021	09:00 to'ó remata

Nota: Komisaun Avaliasaun sei halo mós Enkontru Públiku iha Dili. Loron no fatin sei fo sai iha tempu badak

Asinadu

Data :

22/07/ 2021